

Kultureqarnermut, Ilinniartitaanermut, Ilisimatusarnermut Ilageeqarnermullu Naalakkersuisoq
Medlem af Naalakkersuisut for Kultur, Uddannelse, Forskning og Kirke

Inatsisartunut ilaasortaq
Aleqa Hammond



Siumut

Ilinniagaqartut eqaannerusumik taarsigassarsisinnaanerit pillugu § 36 naapertorlugu apeqqummut nr. 2010-44-mut akissut.

Inatsisartut suleriaasianni § 36, imm. 1 naapertorlugu 9. februar 2010-mi Naalakkersuisunut ima apeqquqarputit:

Dato 23.02.2010
Sagsnr. 2010-024961
Dok.nr. 318885
Postboks 1029
3900 Nuuk
Tlf: +299 345000
Fax: +299 322073
Email: kiiip@gh.gl

Nunarput qimallugu ilinniagaqartunut aningaaserivinni attartorsinnaatitaanerannut tunngatillugu eqaallisaasinnaanermut aammalu annertusaasinnaanermut tunngatillugu Naalakkersuisuit qanoq iliuseqarpat, iliuseqartoqarpallu taakku suuppat ?

Akissut: Ilinniagaqartunut taarsigassarsiaritit Nunatta Karsianit aningaasalersorneqartut Ilinniagaqarnerisutit pillugit Namminersornerullutik Oqartussat nalunaarutaanni nr. 8-mi, 27. marts 2008-meersumi aalajangersakkat malillugit tunniunneqartarlutillu aqunneqarput. Ilinniagaqarnermi taarsigassarsianik akilersuineq Ilinniagaqarnerisutit pillugit Inatsisartut peqqussutaanni nr. 5-imi, 14. november 2004-meersumi aalajangersakkat malillugit pisarpoq.

Ilinniagaqartunut taarsigassarsiaritit Nunatta Karsianit aningaasalersorneqartut semesterimut ataatsimut ataasiartumik 10.000,- kr.-itut semesterillu tamaasa 6.000,- kr.-itut tunniunneqarsinnaapput. Ilinniagaqartunut taarsigassarsiaritit akiitsoqarnermut uppersaammik pilersinneqartarput akiitsullu allagartaat atsiugaq Ilinniagaqarnerisuteqartitsivimmi tiguneqareeraangat tunniunneqarsinnaallutik, tamannalu siusinnerpaamik pisinnaavoq ilinniagaqarneq semesteriluunniit aallartipat.

Ataasiartumik taarsigassarsiaritit ilinniarnep aallartinnerani tunniunneqartarput ilinniakkamullu allamut nuunnermi ilinniakkamilluunniit allamik aallartitsinnermi ataasiartumik taarsigassarsisitsisoqaqqissinnaavoq immikkorluinnaq pissutissaqarpat, tassunga ilanngullugu nuunnermut aningaasartuutit inigisamullu nutaamut akileeqqaarutit. Semesterikkuutaartumik taarsigassarsisitsisoqartarpoq upernaakkut semestererinnermi ukiakkullu semestererinnermi. Semesterikkuutaartumik taarsigassar-

siarititat semesterit taaneqartut naannginnerini atorneqarsimanngitsut sipaarneqarsinnaanngillat semesterinulluunniit allanut nuunneqarsinnaanatik.

Ilinniagaqarnersiutit pillugit Inatsisartut peqqussutaanni nr. 5-imi, 14. november 2004-meersumi § 4, imm. 2 naapertorlugu Naalackersuisut ilinniagaqartullu kattuffisa tamanna pillugu sioqqutsisumik isumasioqatigeereernerisigut tapiissutit taarsigassarsiarineqarsinnaasullu amerlassusissaat, ikaarsaariarnermi aaqqissuussinerit aammalu immikkut tunniunneqartarumaartussat aningaasanut inatsimmi aalajangersarneqassapput.

Ilinniagaqartut sapinngisamik pitsaasumik atugaqarnissaat Naalackersuisut kissaatigaat, ilinniagaqartullu atugaasa pitsanngorsarneqarnissaat sulissutiguarniarlugu. Naalackersuisut nalunaarummik qulaani taaneqartumik iluarsaanermi aallarteriikami ilinniagaqartut sulinermut ilanngutsinneqarnissaat qularnaarsimavaat. tamatumunnga atatillugu eqaannerusumik taarsigassarsisarnissaq pillugu ilinniagaqartunit kissaatigineqartoq aamma eqqartorneqarpoq. Semesterikkuutaartumik taarsigassarsiat ingerlaavartumik tunniunneqartarnissaannut periarfissaqarnissaa kissaatigineqarpoq.

Oqaatigineqassaaq semesterikkuutaartumik taarsigassarsiat ingerlaavartumik tunniunneqarsinnaareermata. Tamanna nammineq aningaaserivigisamik isumaqatigiissutigineqassaaq. Namminersorlutik Oqartussanit eqaannerusumik taarsigassarsisitsisoqartalernissaanik kissaateqarneq piviusunngortinneqassappat, tamatumani maanna ilinniartut pillugit allaffissornikkut aqutsineq naleqqussarneqartariaqassaaq allaffissornerulernermillu nassataqarluni. Taamaattumik maanna systemip Kulturqarnermut, Ilinniartitaanermut, Ilisimatusarnermut Ilageeqarnermullu Naalackersuisoqarfimmi naleqqusarneqaleruttortup taarsemeqarnissaa Naalackersuisut utaqqiniarpaat. Tamatumunnga taarsiullugu taarsigassarsinissamut periarfissat allat, taakkununnga ilanngullugit assersuutigalugu ilinniarnarup aallartinnerani atasiartumik taarsigassarsiat siusinnerusukkut tunniunneqartarnissaannut periarfissat, immaqalu semesterikkuutaartumik taarsigassarsiarititassat atorneqanngitsut ilinniarnermi kingusinnerusukkut tunniunneqarsinnaanersut Naalackersuisut maanna misissorniarpaat. Nalunaarut nutaaq 1. august 2010-mi atuutilertussatut naatsorsuutigineqarpoq.

Inussiarnersumik inuulluaqqusillunga

Mimi Karlsen